

# 50 onns revista «Vischnanca svizra»

Sigisbert Lutz dat in sguard en l'istorgia

■ (anr/gc) La «Vischnanca svizra» – l'organ da l'Associaziun da las vischnancas svizras – cumpara en sia 50. annada e gist er en la 500. ediziun. Per il giubileum da quest organ da publicaziun lascha Sigisbert Lutz, vischin da Medel, passar competentamain revista l'istorgia da la «Vischnanca svizra» ch'el taxescha sco «fundaziun cura-schusa per il dretg mument». *Sigisbert Lutz* è stà na main che 32 onns – da 1975–2007 – en servetsch da quella associaziun da vischnancas: l'emprim sco redactur da l'organ, suenter sco secretari general ed alur sco directur – e quai cun bler engaschi e gronda cumpetenzza. Da 1989–1995 è dal reminent cuss. naz. *Toni Cantieni*, Lai, stà president da l'Associaziun da las vischnancas svizras. Parsura e secretari èn dus Rumantschs zunt engaschads, che sa chapivan fitg bain ed han collavurà exemplaricamain.

La «Vischnanca svizra» – ella cumpara en 4500 exemplars – è il portavusch da las vischnancas e che presta era servetschs strategics cun l'intenziun da rinforzar lur cumpetenzza e prestaziun. Sper la politica da l'associaziun era plinavant la part tecnica dumandada e necessaria per la finanziaziun. Tenor Sigisbert Lutz è quai mix da tematics spezialas, politica ed infurmaziun per l'associaziun la raschun per propi dal success da quella revista.

A l'entschatta stevan temas politics ed infurmaziun da l'associaziun en il center. Cun l'ir dal temp èn contribuziuns – sper

Nr. 3/2013

SCHWEIZER

GEMEINDE

Commune Suisse Comune Svizzero Vischnanca Svizra



en tudestg era per franzos, talian e rumantsch – davart temas spezialas daventada adina pli impurtantas. La revista muntia in liom tranter l'associaziun e las vischnancas-commembras. Sigisbert Lutz è perquai adina stà persuadì che l'associaziun da vischnancas dovria la revista «Vischnanca svizra». Ses titel cumpara dal reminent sin la front ed è en tuttas quatter linguas naziunalas.

## En discurs cun Martin Gabriel – scrivant da la citad da Glion

En la sparta «Il chanzlist communal» dal numer giubilar vegn il scrivant (el teidla pli bugen il plaid: scarvon) da la citad da Glion, *Martin Gabriel*, a pled en ina intervista, intitulada: «Jau lavur gugent cun s'orientar vers schliaziuns.» El, ch'è stà engaschà plirs onns sco redactur regional dal Radio Rumantsch en Surselva, è daventà 2006 scrivant da la citad da Glion. Quella – cun ses 2500 abitants – stat gist avant la fusiun da 13 vischnancas dal conturn a la vischnanca da Glion.

Sin la dumonda a Martin Gabriel: Quant gronda che sia influenza saja sin l'executiva, respunda el cler: «Il scrivant cussegli ed il cussegl da la citad decida.» – Sco la pli gronda sfida numna il scarvon da Glion la refurma territoriala, nua che temas sco fusiuns da vischnancas e la gullivaziun da finanzas sajan detg spinus e difficils, oravant tut en regiuns muntagnardas cun per part vischnancas pitschnas.